

مکرمات

❁ ادبی و سیاسی رساله اسبوعیه در ❁

۳۱ نجی سنه

۱۴ محرم ۱۳۳۰

❁ پنجشنبه ❁

جزء و عدد : ۱۲۸

اقلیت

فرانسه انجمن دانشی اعضا سندن (امیل فاکه) (لبرالیزم) نامنده کی اثرینک (اقلیتده فالانرک حقی) فصلنده دیرکه : « فرقه جیلر ، نه مملکتلرینی سورلر ، نه ده آنک نجاتی دوش-سورلر . کافیدرکه وطنداش-سرندن برقاچ میلیون آدم تک کندی فکر لرینه مخالف فکر پرورده ایتمسوندلرده فرانسه یی ده آ ز سو سونلر . فرقه جیلرک خود فرو شلقلری وله رس ارباب اذعان اوله جق بر مرتبه دمه در . فرانسلر دن بر چوغنک یواش یواش فرانسه حقنده لایق د قالمه لری ، حتی اطوار خصمانه آلملری هپ بو خود فرو شلقلر نتیجه سیدر .

« برگون (ره آقسونر) لردن بری ، مرارت آلود بر لطیفه اولمق اوزره بکا : « تمی ایستدیکم ندر بیلورمیسکیز ؟ فرانسه نک بلجیقایه الحاق ! » دیمشدی . بو سوزده جدیت ومنطق مند مجدر . انسان شه شه سز وطننه مربوطدر . فقط بر مملکتده که وطنک دکل . فقط بر فرقه غالبه نک نفعنه اوله رق ، عموومه عاند الک حقیر بر فائده نک بیله بر طاقم قیود و آزار ایله مقید طو تلدیغنی کوره جک اولورسه ، افراد مظلومه نک ، کندیلرندن آنجق مفید والزم فدا کارلقلر ایستیه جک بشقه بر حکومت تابع اولمفی تمی ایتملری امور طبیعی دندر .

دیمک اولورکه : بر مملکتده اقلیتده قالمش اولان افراد قومه حرمت و آنک ده حضور و استراحتله یشامق حقنی حازر اولدیغنی تسلیم ایله بولازمه یه رعایت ایتمک ایجاب ایدر .

حکومتک اقدام وظائفی داخلی امور انضباطیه یی ایفا و تح-اوز اعدایه قارشی وطنی مدافعه و محافظه یه اعتدال عبارتندر ، که بویکی وظیفه خار جنده تدوین ایستدیک قوانین و اتخاذ ایلدیک تداییر - براز تمیق نظر اولورسه - حکومت حافی اکتساب ایتمش بر فرقه غالبه نک احتراصات و افعالندن بشقه برشی اولمدیغنی ظاهر اولور .

بو فرقه غالبه حکومت حالتی اکتساب ایله برابر ینسه بر فرقه گبی حرکت ایدرک معارضلری بولنان فرقلری مضحک ایتمکده بیوک بر لذت طویار. حال بوکه حکومتک اساس تشکلی و محدود اولان وظائفی تأمل ایتک لازم کلیرسه . بوکی تصدیات و افعالدن اجتناب ایللیدر .

وظیفه سی تمامیه مدرک بر مجلس مبعوثان ریسی اولان موسیو ده شانل . بر کون مجلسده اکثریت فرقه سنه خطاباً دیمشدی که : « . . . اقدیلر ! بر ریستک اڭ اولکی وظیفه سی اقلیتده قالانلری حایه ایتمکدر . »

حکومت ایسه اکثریا بونک عکسی ادعاده بولنور : « حکومتک برنجی وظیفه سی اکثریته ابراز حایتدر . » دیر [۱] .

اوزدن پلتان بو خطاء فاحشی فرط بلاغتله تشریح ایدیوردی : « هر فرقه بر عنصر جمعیتدر . بر حاجت جمعیتیه مقابلدر . اگر یالگنز (پروژه-سیست) فرقه سی موجود اولسه ایدی ، افراد بشرک اعمال فکر و نظرله احتیاجی قالمیه جقدی . اگر یالگنز (قونسرواتور) لر قالسه ایدی ، بشریت هیچ بر وقت نصاب تکامله واصل اولمیه جقدی . اگر یالگنز فرقه واحده حاضر قدرت اولسه ایدی ، بشریت یأس و امل حسلرندن تجردله حال غشی واستغراقده قاله جقدی . حال بوکه کافه فرقلک یکدیگری اوزرینه تأثیر و عکس تأثیرلری عینله وجود بشرده کی عضولرک بر برلرینه تأثیر و عکس تأثیرلری نتیجه سنده کورلیدیکی گبی حرکت و توازن حرکتی ایجاب ایدر .

« بر ملتک ساحه حیاتی ، یشادینی طوبراق اوزرنده متحول بولنان اساس و اصولک ، عادات و اعتقاداتک تعدد و تنوعیه مساحه اولور . تساوی یکنسق ، و مشابهت مطلق انسانلری اماته ایدر . تخالف و مراقبه ایسه آنلره حیات تازه افاضه ایلر . فصول و مواسمک تعاقب و توالیسندن محزون دکل ، بالعکس محظوظ اولق لازم کلیدیکی ، حسیات و افکار متضاده دن دخی اوصورتله محظوظ اولق کار عقلدر . حال بویله ایکن بر فرقه غالبه نڭ اراده ایتدیکی قدمیه وضع اقدام ایدن هر حکومت جدیده دیگر فرقلک موجودیتنی کندینه مضر عد ایدرک محوینی التزام [۱] غالباً بزم احمد رضا بک بواجهدده بولنور .

ایدر . و آکا چالیشیر . آتی دوشمنز که بر فرقہ نك محوینہ سعی ایتمک ، افراد ملتک
ملت و یا ربعتک مسکن و مأواستی خریطه مملکتدن طی ایتمک در . هیچ بر فرقہ
متصور دکادر ، که بر حقیقت نسبیهی حازر اولسون و مملکتک ازدیاد قواسنه و هیچ
دکلسه کندیسنه معارض و مخاصم بولنان فرقہ لره اعمال فکر و ذکایه مجبور اولمرندن
طولایی مفید اولسون .

« آلتمش سنه دن بری فرانسه ده نیچه فرقہ لر علی التوالی موقع اقتداره کلدی .
بونلرک کافه سی رقیلرینی سلامت مملکت و ملت نامنه ازمکه چالشدی . کافه سی دونکی
و یا خود یاربشکی فرقہ منسوبلرینی زبون ایدرک مملکتی قورنارمق دعواستی التزام
ایندی . الله همد اولسون ! بو داعیلر بی ثمره قالدی . یا فرض محال اولهرق
بو فرقہ لر مدعیات واقعلرینسه موقع فعل و تطبیق بولمغه موفق اولسه لر ایدی .
عجبا بوگون فرانسه یی نه حالده کوره جک ایدک ! هیچ شبهه ایدلسون . که فرانسه
مفلوج بولنه جق . فرانسز طوپراغی اوزرنده یالکیز بر اعتقاد ، آنجیق بر فکر
اثرینی گوستره جک ایدی . یعنی فرانسه آرتق ابراز حیات ایدمه یه جک ، یا خود
تشخیز اذهان جهان ایدن آثار دهاسنی گوسترمکسزین یشایه جق ایدی . »

اقلیت ده بولنانلرک حتی ، حقوق بشر ایله مملکتک اقبال و سعادت اوزرینه
مؤسسدر . بو حق ۱۷۹۳ ده توسیع اولنان حقوق بشر بیاننامه سیله صورت
قطعه ده مصدقدر . اوده :

(قانون ، اراده عمومک افاده سیدر .) عباره سنده کی ، « اراده عموم » اقلیتک
اکثریت طرفدن عنف و شدتله تضییق معناسنه دکلدر . بیاننامه نك یکرمی آلتنجی
ماده سنده : (ملتک بر جزوی ، عموم ملتک تأثیر و نفوذینی اجرا ایدمه ز .) دیورکه
بو جزو ملتدن مرام اقلیت دیمک دکل ، اکثریتدر . زیرا اقلیت ، ذاتاً بر قومک
تأثیر و نفوذینی حامل دکلدر ، که حتی اجرایه قادر اولسون . بو افاده یه گوره ، اکثریت
دخی تماماً بر قومک قوت و تأثیرینی حامل اولمیدیغدن ، افعال و حرکاتنده قسم اقلیتی
نظر اهمیتدن آیرمامغه مجبوردر .

